

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-522/25
Sarajevo, 4.3.2025. godine

Z A P I S N I K
16. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 4.3.2025. godine

Sjednica je počela sa radom u 12 sati i 18 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegatkinje i delegate, predsjednicu Federacije Lidiju Bradaru, potpredsjednika Federacije Refika Lendu, ministre u Vladi Federacije Bosne i Hercegovine, predstavnike medijskih kuća i ostale goste koji prate rad sjednice.

Izostanak sa sjednice najavili su: Goran Bulajić, Ivana Zrimšek-Šaravanja, Ivan Odak i Dragana Damjanović.

Prema evidenciji Stručne službe, sjednici prisustvuju 63 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad glasa o usvajanju Zapisnika 7. vanredne sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 61 glasom za, bez uzdržanih glasova i bez glasova protiv, usvojio Zapisnik 7. vanredne sjednice Doma naroda Parlamenta Federacije Bosne i Hercegovine.

Predsjedavajući je prije utvrđivanja dnevnog reda saopštio delegatima da, na osnovu člana 104. Poslovnika o radu Doma naroda, mogu postavljati delegatska pitanja i pokretati inicijative.

Emir Dautović je uputio dvije inicijative i postavio jedno pitanje.

Prvu inicijativu je uputio rukovodstvu Doma naroda Parlamenta Federacije Bosne i Hercegovine i Federalnom ministarstvu obrazovanja i nauke u vezi sa intoniranjem himne Bosne i Hercegovine na početku sjednice.

Drugu inicijativu uputio je Federalnom ministarstvu trgovine vezano uz poništavanje Zakona o neradnoj nedjelji.

Pitanje je postavio Federalnom ministarstvu za pitanja boraca i invalida odbrambeno-oslobodilačkog rata a odnosi se na Zaključak Predstavničkog doma Parlamenta Federacije Bosne i Hercegovine u vezi sa formiranjem radne grupe za izmjenu i dopunu Zakona o pravima demobiliziranih branilaca i članova njihovih porodica u dijelu koji se odnosi na uspostavljanje boračkog dodatka.

Mehmed Memišević je postavio pitanje i uputio inicijativu.

Pitanje je postavio Federalnom ministarstvu trgovine, vezano uz zahtjeve lokalnih zajednica da se izuzmu iz neradne nedjelje, a koje su prema Zakonu o unutrašnjoj trgovini po proceduri uputile putem općinskih i gradskih vijeća.

Inicijativu je uputio Federalnom ministarstvu prometa i komunikacija u vezi sa rješavanjem problema mosta u Brčkom koji spaja Brčko i Gunju.

Oliver Soldo je uputio inicijativu Vladi Federacije Bosne i Hercegovine i Federalnom ministarstvu poljoprivrede, vodoprivrede i šumarstva, kojoj se pridružuju Ivan Ivić i Dragan Konta, a vezano uz interventnu pomoć u saniranju gubitaka u uzgoju koza nastalih uslijed nedostatka bakra u tlu i učestalog oboljena koza.

Fahrudin Čolaković je postavio dva pitanja i uputio inicijativu.

Prvo pitanje postavio je Vladi Federacije Bosne i Hercegovine vezano uz amandman na Budžet Federacije Bosne i Hercegovine podnesen 31.1.2025. godine, a odnosi se na borački dodatak.

Drugo pitanje postavio je Javnom poduzeću Ceste Federacije Bosne i Hercegovine u vezi sa nadzornim organom na poslovima proširenja magistralne ceste M18 na dionici Čevljanovići - Nišići i sanacijom odrona i uklanjanje materijala sa kolovozne trake.

Inicijativu je uputio Federalnom ministarstvu zdravstva a tiče se izmjene Pravilnika o bližim uvjetima u pogledu prostora, opreme, kadra, kriterija za osnivanje i obavljanje apotekarske djelatnosti.

Aida Obuća postavila je pitanje Federalnom ministarstvu trgovine vezano uz zahtjeve općinskih i gradskih vijeća koji se odnosi na Zakon o unutrašnjoj trgovini, odnosno efekte koji je proizveo na osnovu člana koji određuje da će nedjelja biti neradna.

Sandra Imširović postavila je pitanje Vladi Federacije Bosne i Hercegovine u vezi sa poplavama koje su pogodile Općinu Jablanica u oktobru 2024. godine i projektima aktivnosti finansiranim doniranim novčanim sredstvima i planom upotrebe neraspoređenih sredstava.

Amra Babić je postavila pitanje i uputila inicijativu.

Pitanje je uputila Federalnom ministarstvu za pitanje boraca i invalida odbrambeno-oslobodilačkog rata i Federalnoj upravi za inspeksijske poslove vezano uz provođenje obaveza iz člana 28. stav 3. Zakona o pravima branilaca i članova njihovih porodica i prednosti pri zapošljavanju.

Inicijativu je uputila Poreznoj upravi Federacije Bosne i Hercegovine i Federalnom ministarstvu finansija u vezi sa prihvatanjem elektronske potvrde o izvršenom plaćanju javnih prihoda putem elektronskog bankarstva.

Muamer Zukić uputio je inicijativu Vladi Federacije Bosne i Hercegovine i Federalnom ministarstvu unutrašnjih poslova vezano uz pojačano praćenje stanja sigurnosti u Federaciji Bosne i Hercegovine u okviru nadležnosti institucija.

Vildana Bešlija uputila je inicijativu Federalnom ministarstvu okoliša i turizma u vezi sa izmjenama Zakona o zaštiti okoliša na preciznije definiranje nadležnosti institucija kada je u pitanju svjetlosno zagađenje.

Azhar Sejarić je uputio inicijativu Federalnom ministarstvu prometa i komunikacija vezano uz izmjene člana 13. Zakona o cestovnom prijevozu Federacije Bosne i Hercegovine na način da se omogući obrtnicima autoprijevoznicima da na jednog zaposlenog imaju dva registrirana vozila.

Vlada Federacije Bosne i Hercegovine dostavila je Prijedlog Zakona o izmjenama Zakona o penzijsko-invalidskom osiguranju sa prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 54 glasa za, uz pet uzdržanih glasova i bez glasova protiv, prihvatio da se Prijedlog Zakona o izmjenama Zakona o penzijsko-invalidskom osiguranju razmatra po hitnom postupku.

Vlada Federacije Bosne i Hercegovine dostavila je sljedeće prijedloge zakona po skraćenom postupku:

- Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine,
- Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana,
- Prijedlog Zakona o dopunama Zakona o stečaju,
- Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz devet uzdržanih glasova i uz jedan glas protiv, prihvatio da se Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz 10 uzdržanih glasova i bez glasova protiv, prihvatio da se Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 13 uzdržanih glasova i bez glasova protiv, prihvatio da se Prijedlog Zakona o dopunama Zakona o stečaju razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 12 uzdržanih glasova i bez glasova protiv, prihvatio da se Prijedlog Zakona o dopuni

Zakona o utvrđivanju naseljenih mjesta i o izmjenama u nazivima naseljenih mjesta u određenim općinama razmatra po skraćenom postupku.

Nakon toga prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 12 uzdržanih glasova i uz jedan glas protiv, usvojio sljedeći:

DNEVNI RED

1. Prijedlog Zakona o izmjenama Zakona o penzijskom i invalidskom osiguranju - hitni postupak;
2. Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine - skraćeni postupak;
3. Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana - skraćeni postupak;
4. Prijedlog Zakona o dopunama Zakona o stečaju - skraćeni postupak;
5. Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama - skraćeni postupak;
6. Prijedlog Zakona o zaštiti od nasilja u porodici i nasilja prema ženama u Federaciji Bosne i Hercegovine;
7. Prijedlog Zakona o izmjenama i dopuni Zakona o prekršajima;
8. Prijedlog Zakona o izmjenama i dopunama Zakona o izvršnom postupku;
9. Nacrt Zakona o kontroli cijena;
10. Nacrt Zakona o premjeru i katastru nekretnina;
11. Strategija razvoja male privrede Federacije Bosne i Hercegovine za period 2022. - 2027. godina;
12. Strategija infrastrukture prostornih podataka Federacije Bosne i Hercegovine (IPPFBiH) za period 2023. - 2027. godina;
13. Strategija dugoročne obnove zgrada u Federaciji Bosne i Hercegovine do 2050. godine;
14. Strategija razvoja industrije tekstila, odjeće, kože i obuće u Federaciji Bosne i Hercegovine za period 2024. - 2033. godina;

15. a) Strategija upravljanja dugom 2023. - 2025. godina,
- b) Strategija upravljanja dugom 2024. - 2026. godina.

1. Prijedlog Zakona o izmjenama Zakona o penzijskom i invalidskom osiguranju - hitni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 17. sjednici, održanoj 4.2.2025. godine, usvojio Prijedlog Zakona o izmjenama Zakona o penzijskom i invalidskom osiguranju u tekstu kako ga je predložila Vlada Federacije Bosne i Hercegovine.

Prijedlog Zakona razmatrala su nadležna radna tijela.

Prijedlog Zakona obrazložio je Kenan Spahić, pomoćnik ministra u Federalnom ministarstvu rada i socijalne politike - sektor za penzijsko i invalidsko osiguranje.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz četiri uzdržana glasa i bez glasova protiv, usvojio Prijedlog Zakona o izmjenama Zakona o penzijskom i invalidskom osiguranju.

2. Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine - skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 15. sjednici, održanoj 12.12.2024. godine, usvojio Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine u tekstu kako ga je predložila Vlada Federacije Bosne i Hercegovine.

Prijedlog Zakona obrazložio je Edin Šahinović iz Federalnog ministarstva finansija.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 51 glasom za, uz četiri uzdržana glasa i bez glasova protiv, usvojio Prijedlog Zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine.

3. Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana - skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 17. sjednici, održanoj 4.2.2025. godine, usvojio Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana u tekstu kako ga je predložila Vlada Federacije Bosne i Hercegovine.

Tekst Prijedloga Zakona razmatrala su nadležna radna tijela.

Prijedlog Zakona obrazložio je Darko Pranjić iz Federalnog ministarstva energije, rudarstva i industrije - sektor energije.

U raspravi je učestvovala Amra Babić.

Na osnovu rezultata glasanja, predsjedavajući je konstatovao da je Dom naroda, sa 51 glasom za, uz četiri uzdržana glasa i bez glasova protiv, usvojio Prijedlog Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana.

4. Prijedlog Zakona o dopunama Zakona o stečaju - skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 16. sjednici, održanoj 18.12.2024. godine, usvojio Prijedlog Zakona o dopunama Zakona o stečaju u tekstu kako ga je predložila Vlada Federacije Bosne i Hercegovine.

Tekst Prijedloga Zakona razmatrala su nadležna radna tijela.

Prijedlog Zakona obrazložio je Vedran Škobić, ministar Federalnog ministarstva pravde.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz dva uzdržana glasa i bez glasova protiv, usvojio Prijedlog Zakona o dopunama Zakona o stečaju.

5. Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama - skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 16. sjednici, održanoj 18.12.2024. godine, usvojio Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama u tekstu kako ga je predložila Vlada Federacije Bosne i Hercegovine.

Prijedlog Zakona obrazložio je Vedran Škobić, ministar Federalnog ministarstva pravde.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 47 glasova za, uz šest uzdržanih glasova i bez glasova protiv, usvojio Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

6. Prijedlog Zakona o zaštiti od nasilja u porodici i nasilja prema ženama u Federaciji Bosne i Hercegovine

Tekst Prijedloga Zakona je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 17. sjednici, održanoj 4.2.2025. godine, usvojio Prijedlog Zakona o zaštiti od nasilja u porodici i nasilja prema ženama u Federaciji Bosne i Hercegovine sa jednim amandmanom koji je Vlada Federacije prihvatila pa je postao sastavni dio ovog zakona.

Prijedlog Zakona obrazložio je Vedran Škobić, ministar Federalnog ministarstva pravde.

Delegatkinja Miomirka Melank obrazložila je izvještaj, u ime Komisije za ljudska prava i slobode.

U raspravi su učestvovali Vibor Handžić, Vesna Saradžić i Aida Obuća.

Na osnovu rezultata glasanja, predsjedavajući je konstatovao da je Dom naroda, sa 54 glasa za, bez uzdržanih glasova i bez glasova protiv, usvojio Prijedlog Zakona o zaštiti od nasilja u porodici i nasilja prema ženama u Federaciji Bosne i Hercegovine.

7. Prijedlog Zakona o izmjenama i dopuni Zakona o prekršajima

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 16. sjednici, održanoj 18.12.2024. godine, usvojio Prijedlog Zakona o izmjenama i dopuni Zakona o prekršajima u tekstu kako ga je predložila Vlada Federacije Bosne i Hercegovine.

Tekst Prijedloga Zakona razmatrala su nadležna radna tijela.

Prijedlog Zakona obrazložio je Vedran Škobić, ministar Federalnog ministarstva pravde.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 54 glasa za, bez uzdržanih glasova i bez glasova protiv, usvojio Prijedlog Zakona o izmjenama i dopuni Zakona o prekršajima.

8. Prijedlog Zakona o izmjenama i dopunama Zakona o izvršnom postupku

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 15. sjednici, održanoj 12.12.2024. godine, usvojio Prijedlog Zakona o izmjenama i dopunama Zakona o izvršnom postupku sa jednim amandmanom, koji je Vlada Federacije Bosne i Hercegovine prihvatila pa je postao sastavni dio ovog zakona i sa jednim amandmanom koji je Predstavnički dom izglasao.

Tekst Prijedloga Zakona razmatrala su nadležna radna tijela.

Prijedlog Zakona obrazložio je Vedran Škobić, ministar Federalnog ministarstva pravde.

U raspravi niko nije učestvovao.

Prešlo se na izjašnjavanje o amandmanu koji je Predstavnički dom izglasao.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz četiri uzdržana glasa i bez glasova protiv, prihvatio amandman.

Na osnovu rezultata glasanja, predsjedavajući je konstatovao da je Dom naroda, sa 51 glasom za, uz četiri uzdržana glasa i bez glasova protiv, usvojio Prijedlog Zakona o izmjenama i dopunama Zakona o izvršnom postupku.

9. Nacrt Zakona o kontroli cijena

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 17. sjednici, održanoj 4.2.2025. godine, razmatrao ovaj zakon i Zaključkom ga prihvatio.

Nacrt Zakona obrazložio je Amir Hasičević, ministar Federalnog ministarstva trgovine.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz dva uzdržana glasa i uz četiri glasa protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o kontroli cijena i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.

3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u javnoj raspravi, kao i one koje su dostavljene ili će biti dostavljene u pisanoj formi.

10. Nacrt Zakona o premjeru i katastru nekretnina

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 15. sjednici, održanoj 12.12.2024. godine, razmatrao Nacrt Zakona o premjeru i katastru nekretnina i Zaključkom ga prihvatio.

Nacrt Zakona obrazložio je Željko Obradović, direktor Federalne uprave za geodetske i imovinsko-pravne poslove.

U raspravi je učestvovao Senad Alić.

Na osnovu rezultata glasanja, predsjedavajući je konstatovao da je Dom naroda, sa 54 glasa za, uz pet uzdržanih glasova i bez glasova protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o premjeru i katastru nekretnina i smatra da može poslužiti kao osnov za izradu prijedloga Zakona.
2. Zadužuje se predlagač da organizira i provede javnu raspravu od 60 dana.
3. Zadužuje se predlagač da prilikom izrade prijedloga Zakona ima u vidu primjedbe, prijedloge i sugestije iznesene u raspravi na sjednici Doma naroda, javnoj raspravi, kao i one koje su dostavljene ili će biti dostavljene u pisanoj formi.

11. Strategija razvoja male privrede Federacije Bosne i Hercegovine za period 2022. - 2027. godina

Strategiju je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 15. sjednici, održanoj 12.12.2024. godine, donio Zaključak o usvajanju Strategije razvoja male privrede Federacije Bosne i Hercegovine za period 2022. – 2027. godina u tekstu kako ga je predložila Vlada Federacije Bosne i Hercegovine.

Strategiju je obrazložio Jozo Bejić, sekretar Federalnog ministarstva razvoja, poduzetništva i obrta.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz dva uzdržana glasa i uz dva glasa protiv, donio Zaključak o usvajanju Strategije razvoja male privrede Federacije Bosne i Hercegovine za period 2022. - 2027. godina.

12. Strategija infrastrukture prostornih podataka Federacije Bosne i Hercegovine (IPPFBiH) za period 2023. - 2027. godina

Strategiju je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 15. sjednici, održanoj 12.12.2024. godine, donio Strategiju infrastrukture prostornih podataka Federacije Bosne i Hercegovine (IPPFBiH) za period 2023. - 2027. godina.

Strategiju je obrazložio Željko Obradović, direktor Federalne uprave za geodetske i imovinsko-pravne poslove.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz četiri uzdržana glasa i bez glasova protiv, donio Strategiju infrastrukture prostornih podataka Federacije Bosne i Hercegovine (IPPFBiH) za period 2023. - 2027. godina.

13. Strategija dugoročne obnove zgrada u Federaciji Bosne i Hercegovine do 2050. godine

Strategiju je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 17. sjednici, održanoj 4.2.2025. godine, razmatrao i usvojio Strategiju dugoročne obnove zgrada u Federaciji Bosne i Hercegovine do 2050. godine u tekstu kako ga je predložila Vlada Federacije Bosne i Hercegovine.

Strategiju je obrazložio Željko Nedić, ministar Federalnog ministarstva prostornog uređenja.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz jedan uzdržani glas i uz tri glasa protiv, donio Strategiju dugoročne obnove zgrada u Federaciji Bosne i Hercegovine do 2050. godine.

14. Strategija razvoja industrije tekstila, odjeće, kože i obuće u Federaciji Bosne i Hercegovine za period 2024. – 2033. godina

Strategiju je utvrdila Vlada Federacije Bosne i Hercegovine.

Predstavnički dom obavijestio je Dom naroda da je na 17. sjednici, održanoj 4.2.2025. godine, donio Odluku o usvajanju Strategije razvoja industrije tekstila, odjeće, kože i obuće u Federaciji Bosne i Hercegovine za period 2024. - 2033. godina.

Strategiju je obrazložio Senad Zekić iz Federalnog ministarstva energije, rudarstva i industrije.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 52 glasa za, uz četiri uzdržana glasa i bez glasova protiv, donio Odluku o usvajanju Strategije razvoja industrije tekstila, odjeće, kože i obuće u Federaciji Bosne i Hercegovine za period 2024. – 2033. godina.

15. a) Strategija upravljanja dugom 2023. - 2025. godina
b) Strategija upravljanja dugom 2024. - 2026. godina

Vlada Federacije Bosne i Hercegovine radi informiranja dostavila je Parlamentu Federacije Bosne i Hercegovine Strategiju upravljanja dugom 2023. - 2025. godina i Strategiju upravljanja dugom 2024. - 2026. godina.

Predstavnički dom obavijestio je Dom naroda da je na 17. sjednici, održanoj 4.2.2025. godine, razmatrao i primio k znanju Strategiju upravljanja dugom 2023. - 2025. godina i Strategiju upravljanja dugom 2024. - 2026. godina.

Strategije upravljanja dugom obrazložila je Tonka Kozarić iz Federalnog ministarstva finansija.

U raspravi niko nije učestvovao.

Predsjedavajući je konstatovao da je Dom naroda primio k znanju Strategiju upravljanja dugom 2023. - 2025. godina i Strategiju upravljanja dugom 2024. - 2026. godina.

Sjednica je završila rad u 14 sati i 52 minute.

Transkript sjednice čini sastavni dio Zapisnika.

DRŽAVNA SLUŽBENICA KOJA OBAVLJA
POSLOVE IZ NADLEŽNOSTI SEKRETARA
DOMA NARODA

Aida Hadžić-Salkić

PREDSJEDAVALAČI
Tomislav Martinović